



Broj: 01,02,03,04/4-05-1-2329/23
Sarajevo, 12.12. 2023.

KOLEGIJ PREDsjedNIČKOG DOMA PSBiH
KOLEGIJ DOMA NARODA PSBiH

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:			
Organizaciona jedinica	Klasifikaciona oznaka	Datum prijema	Broj odluka
		29-01-2024	

B

Predmet: Izvještaj sa sastanka Parlamentarne skupštine
Parlamentarne dimenzije Centralnoevropske inicijative,
održanog 26- 28. novembra u Kišinjevu (Moldavija)

Parlamentarne delegacije iz zemalja članica Centralnoevropske inicijative prisustvovalе su sastanku Parlamentarne skupštine, koji je održan 27. 11. 2023. u Kišinjevu u okviru predsjedavanja Republike Moldavije ovom inicijativom. U ime delegacije Parlamentarne skupštine BiH u Parlamentarnoj dimenziji Centralnoevropske inicijative na sastanku je učestvovao zamjenik predsjedavajućeg Delegacije Predrag Kožul.

Na zasjedanju Parlamentarne skupštine PDCEI-ja u okviru teme „Podrška evropskim integracijama i promoviranje održivog razvoja regiona CEI-ja“, učesnici su istakli ulogu CEI-ja kao efikasnog foruma regionalne saradnje koji kombinira multilateralnu diplomatiju i upravljanje projektima. Oni su posebno istakli potrebu da se Organizaciji pruži dalji politički podsticaj u pogledu unapređenja obnovljenog multilateralnog pristupa širom regiona CEI-ja. S tim ciljem Parlamentarna skupština je uzela u obzir da je Konvencija za jačanje CEI-ja u pripremnoj fazi, u skladu sa ishodima Tršćanske platforme CEI-ja.

U uvodnom dijelu sastanka obratili su se: Mihail Popsoj, zamjenik predsjednika Parlamenta Republike Moldavije, Igor Kirijak, ad Interim predsjednik PDCEI-ja i član moldavske delegacije u PDCEI-ja, Roberto Antonione, generalni sekretar CEI-ja. Kao uvodničari obratili su se i: Erika Hasznos, zamjenik šefa delegacije EU u Republici Moldaviji, Vladimir Kuk, državni sekretar Ministarstva za vanjske poslove i evropske integracije, i Radu Marian, predsjedavajući parlamentarne komisije za ekonomiju, budžet i finansije.

U svom obraćanju učesnicima zasjedanja, zamjenik predsjedavajućeg Delegacije PSBiH u PDCEI-ja Predrag Kožul izrazio je zahvalnost državama članicama EU koje su dio CEI-ja, a koje su dale snažnu podršku Bosni i Hercegovini u procesu evropskih integracija. Kožul je pozvao predstavnike tih zemalja da se i dalje zalažu za ubrzani nastavak procesa proširenja EU na zemlje Zapadnog Balkana, te ocijenio da bi odluka o otvaranju

pristupnih pregovora između EU i BiH dodatno motivirala BiH i njene institucije za provođenje reformi na evropskom putu.

Generalni sekretar CEI-ja Roberto Antonione upoznao je učesnike zasjedanja o rezultatima nedavne parlamentarne konferencije PDCEI-ja u Trstu i naglasio da jačanje CEI-ja, najvećeg međuvladinog foruma za regionalnu saradnju u Evropi, znači da glas zemalja Centralne i Istočne Evrope postaje prepoznatljiviji i glasniji na nivou EU i na globalnom nivou.


Prije plenarne sjednice, izabrani su novi predsjedavajući i kopredsjedavajući tri generalna komiteta za politička pitanja, za ekonomske poslove i pitanja kulture.

Za predsjedavajućeg Generalnog komiteta za političke i unutrašnje poslove izabran je Igor Kirijak (Moldavija), a za njegovog zamjenika Roberto Menija (Italija). Salvatore Kijata (Italija) izabran je za predsjedavajućeg Generalnog komiteta za ekonomske poslove. Generalnim komitetom za kulturu predsjedavat će Eugen Remus Negoii (Rumunija), a za zamjenika je izabrana Izabela de Monte (Italija).

Na kraju sastanka usvojena je završna izjava.


Izveštaj pripremila

Nataša Čabak


sekretar delegacije

Izveštaj odobrio

Predrag Kožul


zamjenik šefa delegacije PSBiH u PDCEI-ju

Dostaviti:

- naslovu
- Komisiji za vanjske poslove PDPSBiH
- članovima Delegacije PSBiH u PDCEI-ju
- Sektoru za odnose s javnošću PSBiH
- a/a